

## Sindaun Jukuman täga mebäri mebäri

### 8

#### *Sindaun 8:22-31*

*Imaka imaka nämo ahäjirä nadäk-nadäk tägatä  
intäjukun ahäjukuk*

- 22\* Yäput peŋpäŋ Yawetä imaka kuduptagän nämo  
ahäjirä näk jukun täŋpäŋ nepmaŋkuk.
- 23\* Bianiinik, kome ba imaka kubä nämo peŋkaŋä  
näk jukun iwoyänpäŋ nepmaŋkuk.
- 24 Gwägu pähap ba ume dapuri kubä nämo ahäjirä  
näk jukun täŋpäŋ nepmaŋkuk.
- 25-26 Pom taŋi ba täpuri bägupiken nämo irirä  
näk bäyanpäŋ nepmaŋkuk. Bureni, näk  
jukun nepmaŋkaŋ mädenaken kome ba äwan  
täŋpäŋ peŋkuk.
- 27 Ba kadäni kunum kenta kome yäpurärätpäŋ yep-  
maŋkuko u näk imaka irira täŋkuk.
- 28 Täŋpäkaŋ gubam komeniken punin yepmaŋpäŋ  
kome terak ume dapuri täwit-pewän umetä  
äbänpäŋ kome tokŋeŋ moreŋkuko uken  
imaka, näk uku itkut.
- 29 Näk ahänkuro irira kometä itta bagani peŋ  
imiŋkuk, ba gwägutä бага peŋ imani nämo  
irepmirekta yäntäreŋ imiŋkuk.

---

\* 8:22: Rev 3:14    \* 8:23: Jon 17:24; Efe 1:10-11

- 30 \* Tänpäkan näk kadäni kadäni Anutu dubiniken epän täño watä äma ude oretoret terak itkan bänep täga nadän iminjira täga nadän namiñkuk.
- 31 Bureni, kome päke u tänpän penkuko unita oretoret täñkut, ba ämawebe tänpän yepmankuko unita udegän gäripi nadänkut.

## 9

### *Sindaun 9:1-12*

#### *Nadäk-nadäk tägatä ämawebeta gera yäyak*

- 1 Nadäk siwoñi tägatä bek kehäromi 7 ude painpän uterak yori säkgämän tänpän penkuk.
- 2 Ude tänpän tom däpmänpän ijinjit wain ume tänpewän gäripi nitek ahawänkan ketem nakta täntuñum tañkuk.
- 3 Ude tänpän epän watä webeniye yäwet-pewän päñku yotpärare bämopiken gera ñode yäñkuñ;
- 4 Oi, ämawebe nadäk-nadäkjin siwoñi kubägan nämo, in näkä yotken äbut.
- 5 \* Äbänkan ketem ume säkgämän näkä täntuñum täyat u nañput!
- 6 Tänguñguñ kädetjin u penpän irit täga kan yäput. Täñkan nadäk-nadäk täga täño kädet kan iwarut.

#### *Äma mebäri yarä täño man*

- 7 Äma inita nadänjirän ärowani täñpani yäpi siwoñtäwa yänpän man yäweno uwä ganin

---

\* 8:30: Mat 17:5; Jon 1:1-3,18      \* 9:5: Sam 22:26,29; Ais 55:1-3; Jon 6:27

wärärek. U udegän, äma waki kubä ibeweno uwä nägät gurek.

<sup>8</sup> Unita äma inita nadänjirän ärowani tänpani yäpi siwoŋtak man nämo iweren. U imata, äma uwä gäka gaŋani nadän gamek.

Tän äma nadäk-nadäki täga kubä yäpi siwoŋtak man iwereno uwä gäka nadän gamikinik tänpek.

<sup>9</sup> Äma nadäk-nadäk täga nitek yäwetpäŋ yäwoŋärek tänpeno uwä nadäk-nadäki yäpurärätpäŋ nadäk-nadäk säkgämän ikek irek.

Bureni, gäk äma siwoŋi kubäta nadäk imeno uwä nadäk-nadäki yäpurärätpäŋ ätukät yäpek.

<sup>10</sup> \* Nadäkaŋ? Nadäk-nadäk täga nitek irayän nadänpäŋä eruk Yawe u umuri yän nadänpäŋ gämoriken kuŋaren.

Bureni, nadäk-nadäk täga yäpayän nadänpäŋä Kudupi Äma unitäŋo mebäri nadäkta piäni tänpen.

<sup>11</sup> Nadäk-nadäk täga unitä tänkentän gaminjirän kadäni käroŋi api it yäpmän ärowen.

<sup>12</sup> Tänpäkaŋ nadäk-nadäk täga udewani nitek itpäŋ kuŋareno uwä nadäk-nadäk unitä api tänkentän gamek. Täŋ yänärok man yänpäŋ kuŋarani ude ireno uwä gäkŋa tänpi wanen.

## 25

*Sindaun 25:6-7*

*Gupjin jop nämo yäpmän äronen*

---

\* **9:10:** Sam 111:10; Mat 11:27; Jon 17:3; 1Jo 5:20

6\* Gäk intäjukun äma injamiken gup yäpmän ärokärok  
nämo tänpän. Ba gäkɲata näk äma ekäni itat  
yän jop nämo nadäwen.

7\* Ude tänpeno uwä intäjukun ämatä äma ekäni  
kubä injamiken mäyäk man gäwerekta.

Tän kädēt tägawä ɲode; Gäkɲawä äpani ude  
iriri intäjukun ämatä ini dubiniken itta  
gämagureko u uyaku tägawek.

---

\* 25:6: Sam 131:1      \* 25:7: Luk 14:8-10, 18:14; 1Pi 5:5

**Anutu Täŋo Man**  
**The New Testament and portions of the Old Testament**  
**in the Tuma-Irumu Language of Papua New Guinea**  
**Nupela Testamen na sampela Olpela Testamen long**  
**long tokples Tuma-Irumu long Niugini**

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 3 Mar 2023 from source files dated 9 Oct 2020

914cbf46-f59a-54d1-b209-0f763534edb5